



74  
6648





174  
6648

尊經藏本

漢官六種

芸裳復校

91-1227



民國二年成  
都存古書局  
印行



隋志漢官五卷應劭注漢官儀十卷應劭撰據後漢書  
應劭傳建安二年詔拜劭爲袁紹軍謀校尉時始遷都  
於許舊章堙沒書記罕存劭慨然歎息乃綴集所聞著  
漢官禮儀故事劭所撰止一書不知隋志何以分爲二  
又劭傳云凡朝廷制度百官典式多劭所立初父奉爲  
司隸時並下諸官府郡國各上前人像贊劭乃連綴其  
名錄爲狀人紀今諸書引漢官儀有諸人姓名狀人紀  
者疑卽其書中篇名陳氏書錄解題有應劭漢官儀一  
卷載三公官名及名姓州里李埴補一卷俱不傳諸書



引有作應劭漢官應劭漢官儀亦有彼此互舛不可分  
別今併錄爲二卷續漢志劉昭補注引漢官不標名應  
劭者悉是目錄不知何人所撰別爲一卷以存其舊

漢官儀卷上  
漢軍謀校尉應劭撰

漢官儀卷上

漢軍謀校尉應劭撰

賜進士及第策等處督糧道兼管德常臨清倉事務加級孫星衍校集

太傅古官也周成王時康叔爲之高后元年初用王陵

金印紫綬八年省哀帝元壽二年復置位在三公上世

祖中興特遣使者備禮徵故密令卓茂策曰案北堂書

茂甲申前密令卓茂束身自修執節純固案北堂書鈔

策書下十三字無下文夫士案北堂書鈔夫士誠能爲人所不能爲名冠

天下當受天下重賞故武王誅紂封比干之墓表商容

之閭今以茂爲太傅案文選任彥升爲范尚書讓吏部



茂為封宣德侯北堂書鈔設官部藝文類聚職官部太  
太傅漢官唯文選注引作漢官儀下文  
凡言漢官者上皆有應劭二字

傳者覆也續漢志補注

明帝甲辰策書曰高密侯鄧禹元功之首其以禹為太

傅北堂書鈔設官部案此條引作漢官

和帝丁酉策書曰故太尉鄧彪元功之族三讓彌高海

內歸仁為羣賢首其以彪為太傅案北堂書鈔初學記藝文類聚俱引作太

尉錄尚書事百官總已以聽庶得專位內之事北堂書鈔設官

部初學記職官部藝文類聚職官部太平御覽職官部兩引

漢帝策曰張禹三世在位黃髮罔愆忠孝彌篤其以禹

為太傅錄尚書事百官總已以聽北堂書鈔設官部兩引

沖帝丁酉策書曰舅氏輔翼股肱三公國之楨幹朝廷

取正以成斷金太尉趙峻三世掌典機衡案太平御覽引作樞衡

有匪石不二之心大司農李固公族之苗忠直不回有

史魚之風今以峻為太傅固為太尉與大將軍冀參錄

尚書事北堂書鈔設官部兩引初學記職官部藝文類聚職官部兩引太平御覽職官部兩引

靈帝策書曰故太尉陳蕃忠亮蹇諤有不吐茹之節司

徒胡廣惇德允元五世從政今以蕃為太傅與廣參錄



尙書事

藝文類聚職官部  
太平御覽職官部

太師太傅太保皆古官也

初學記  
職官部

太師古官也平帝元年孔光以太傅見授詔太師無朝

十日一賜餐賜靈壽杖省中施坐置几太師入省中用

杖自是而

續漢志補注案三公太師在太傅前後  
漢省太師太保唯置太傅今改列於後

又案此條未候入正文也今訂正

孝平皇帝元始元年太后詔曰太師光今年老有疾俊

父大臣惟國之重書曰無遺老成國之將興尊師重傅

其令太師無朝十日一賜餐賜以靈壽杖黃門合為太

師於省中施

坐置几太師入省用杖焉

北堂書鈔設官部  
初學記職官部

部太平御覽職官部

平帝元始元年孔光以太師見授太后詔曰太師先聖

之後道術通明

案北堂書鈔又引作  
先師之子德行純淑

宜居四輔職訓導

帝躬

北堂書鈔設官部  
初學記職官部

太保古官也保養也

北堂書鈔設官部藝文類聚  
職官部太平御覽職官部

太尉秦官也武帝更名大司馬

後漢書光武紀注案  
通典職官云應劭漢官

謂太尉為周官  
非也與此異

武帝元狩四年置大司馬以冠將軍之號而無印綬

北堂



書鈔設  
官部

元狩六年罷太尉法周制置司馬時議者以為漢軍有  
官候千人司馬故加大為大司馬所以別異大小司馬

之號續漢志  
補注

三司之職司馬主兵漢承秦曰太尉武帝改曰大司馬

無印授官兼加而已世祖改曰太尉太平御覽職官部  
案引作漢官序

張衡云案太平御覽引作  
河開相張衡說明帝更司馬司空府欲復更

太尉府案太平御覽引作明帝以為司  
徒司空府已榮欲更治太尉府時公南陽趙熹

也案太平御覽引  
有南陽二字西曹掾安眾鄭均素好名節以為朝

廷新造北宮整飭官寺旱魃為虐民不堪命曾無殷湯

六事周宣雲漢之辭今府本館陶公主第舍員職既少

自足相容熹表陳之即聽許其冬臨辟雍歷二府見皆

壯麗而太尉府獨卑陋顯宗東顧歎息曰椎牛縱酒勿

令乞兒為宰時熹子世為侍中驂乘歸具白之熹以為

恨頻譴責均均自劾去道發病亡續漢志補注太  
平御覽職官部

章帝詔曰司空牟融典職六年勤勞不怠其以融為太

尉錄尚書事北堂書鈔設官部藝文類聚職官  
部兩引太平御覽職官部兩引

殤帝策書曰司徒徐防以臺閣機密施政牧守其以防



為太尉錄尚書事百官總已以聽藝文類聚職官部

太尉司徒司空長史秩比千石號為毗佐三台助成鼎

味太平御覽職官部

東西曹掾比四百石餘掾比三百石賊曹主盜賊之事

後漢書銚期傳注

決曹主罪法事後漢書王霸傳注

官騎二十二人續漢志補注

王莽時議以漢無司徒官故定三公之號曰大司馬大

司徒六司空世祖即位因而不改續漢志補注

漢儀曰司徒府與蒼龍闕對厭於尊者不敢號府應劭

曰此不然丞相舊位在長安者有四出門隨時聽事明

帝東京本欲依之迫於大尉司空但為東西門耳每國

有大議天子車駕親幸其殿通典職官案應劭曰

相國丞相皆六國時官通典職官

丞相有疾御史大夫三日一問起居百官亦如之案藝文類

聚引作百僚亦然朝廷遣中使太醫高手膳羞絡繹及瘳視事

尚書令若光祿大夫賜以養牛上尊酒藝文類聚職官部太平御覽職

官部



丞相見免乘驪馬自府歸

說文繫傳十九

武帝置丞相司直元壽二年改丞相為大司徒司直仍

舊今省

後漢書光武紀注

司徒府掾屬三十一人秩千石令史及御屬三十六人

後漢書光武紀注

綏和元年罷御史大夫官法周制初置司空議者又以

縣道官獄司空故覆加大為大司空亦所以別大小之

文

續漢志補注

御史大夫尚書令司隸校尉皆專席號三獨坐

後漢書王常傳

注

大司空朱博奏高皇帝置御史大夫位次丞相

北堂書鈔設官

部

司空騎吏以下早袴因秦水行今漢家火行宜絳袴

太平

御覽服章部

三公聽採長史臧否人所疾苦還條奏之是為舉謠言

也頃者舉謠言屬令史都會殿上主者大言州郡行狀

云何善者同聲稱之不善者默爾銜枚

後漢書蔡邕傳注范滂傳注

今司徒太尉下書州郡文皆稱公蓋蒼頡作書自環者



謂之私背私者謂之公案通典職官引下有韓春秋九

命作宰天子御坐即起其興案其興當作在興見通典為下凡拜天

子臨軒六百石以上悉會直事卿贊御史授案當脫印綬二字見

通典公三讓然後乃受之漢禮儀曰天子稱尊號曰皇帝

曰制補制言曰詔稱民有言有辭曰陛下今皆施行詩

云肅肅王命仲山甫將之邦國若不仲山甫明之詔令

之義三公三人以承君蓋由鼎有足故曰鼎象也北堂書鈔

設官部案通典職官引作鼎足三者三光也羣臣上書公卿校尉諸將不言姓凡制書皆稱璽封尚

書令重封惟赦贖令司徒印露布州郡也後漢書鮑昱傳注

世祖詔案北堂書鈔引作中興甲寅詔書方今選舉賢佞朱紫錯用丞

相故事四科取士一曰德行高妙志節清白二曰學通

行修經中博士三曰明達法令足以決疑能案章覆問

文中御史四曰剛毅多略遭事不惑明足以決才任三

輔令皆有孝悌廉公之行自今以後審四科辟召及刺

史二千石察茂才尤異孝廉之吏務盡實覈選擇英俊

賢行廉潔平端於縣邑務授試以職有非其人臨計過

署不便習官事書疏不端正不如詔書有司奏罪名竝



正舉者又舊河隄謁者世祖改以三府掾屬為謁者領

之遷超御史中丞刺史或為小郡監察黎陽謁者世祖

以幽并州兵驕定天下案後漢書竇憲傳注引作

黎陽立營以謁者監之兵騎千人復除甚重謁者任輕

多放情態順帝改用公解府掾有清名威重者遷超收

守焉續漢志補注北堂書鈔設官部案後漢書和帝

紀注太平御覽治道部引作建初八年十二月已

三公府有長史一人後漢書梁冀傳注

將軍周官也趙王以李牧為將軍破秦始受大名王翦

灌嬰竝為之北堂書鈔設官部

將軍周官也漢興置大將軍位丞相上北堂書鈔設官部

和帝以竇憲為大將軍乃冠三公太平御覽職官部

梁冀為大將軍以三世姻媾援立之功公卿希自上比

周霍舉高第茂才官屬皆倍餘府太平御覽職官部

鼓吹二十人非常員舍人十人續漢志補注通典職官

鼓吹為國盤娛禦侮爪牙北堂書鈔義飾部

漢興置驃騎將軍位次丞相是以漢百官志云驃騎將

軍秩與大將軍同北堂書鈔設官部太平御覽職官部

漢百官志卷一

七



章帝以元舅馬防為車騎將軍服銀印青綬位在卿上

絕席

續漢志補注北堂書鈔設官部太平御覽職官部

和帝以竇憲為車騎將軍賜金印紫綬位次司空

續漢志補

注北堂書鈔設官部

武帝西征西夷有前後左右將軍為國爪牙所以揚示

威靈折衝萬里

北堂書鈔設官部

度遼將軍孝武皇帝初用范明友明帝十八年

案當云八年以

中郎將吳常

行度遼將軍事安帝元初元年置真銀印

見明帝紀注青綬秩二千石長史司馬六百石

續漢志補注

度遼將軍屯五原曼柏縣

後漢書安帝紀注

將軍掾屬二十九人中大夫無員令史四十一人

後漢書東

平憲王傳注

大常古官也書曰伯夷典朕三禮帝曰咨伯汝作秩宗

百官公卿表云太常古官云伯夷也

北堂書鈔設官部

太常古官也書曰伯夷欲令國家盛大社稷常存故稱

太常以列侯為之重宗廟也

後漢書光武紀注北堂書鈔設官部

北海周澤為太常齋有疾其妻憐其年老被病窺內問

之澤大怒以為干齋掾吏叩頭爭之不聽遂取送詔獄



竝自劾謝議者非其激發不實諺曰居世不諧為太常

妻一歲三百六十日三百五十九日齋一日不齋醉如

泥既作事復低迷初學記職官部藝文類聚

卿彰也明也言當背邪向正彰有道德北堂書鈔

太史令屬太常案張衡傳注太平御覽職官部

歲奏新年歷凡國祭祀喪娶之事奏良日國有瑞應災

異掌記之後漢書張衡傳注太平御覽職官部

太史令秩六百石望郎三十人掌故三十人昔在顓頊

南正重司天火正黎司地唐虞之際分命羲和歷象日

月星辰敬授民時至於夏后殷周世序其官皆精研術

數窮神知化當春秋之時魯有梓慎晉有卜偃宋有子

韋鄭有神龜觀乎天文以察時變其言屢中有備無害

漢興甘石唐都司馬父子抑亦次焉末塗偷進苟泰茲

階既闢候望競飾邪偽以凶為吉莫之懲糾太平御覽

張溫字伯慎穰人也封元鄉侯太史奏言有大臣誅死

董卓取溫笞殺於市而厭之後漢書實

博士秦官也博者通鑑古今士者辨於然否案藝文類



覽引有博者案朱浮傳注引初置五經

以下十二字案武帝無年號後增志十四人太常差次

博士秩六百石案太平御覽引有此四字

有聰明威重者一人為祭酒總領綱紀其舉狀曰生事

愛敬喪歿如禮通易尚書孝經論語兼綜載籍窮微闡

奧隱居樂道不求聞達身無金瘕痼疾世六屬不與妖

惡交通王侯賞賜行應四科經任博士下言某官某甲

保舉後漢書朱浮傳注藝文類聚職官部太平御覽職官部

光武中興恢宏稽古易有施孟梁邱賀京房書有歐陽

和伯夏侯勝建詩有申公轅固韓嬰春秋有嚴彭祖顏

安樂禮有戴德戴勝凡十四博士太常差選有聰明威

重一人為祭酒總領綱紀也後漢書徐防傳注

漢置博士祭酒一人秩六百石唐六典二十一

文帝博士七十餘人為待詔博士朝服元端章甫冠唐六

典二十一博士入平尚書出部刺史諸侯相次轉諫大夫北堂書

部鈔設官

博士限年五十以上後漢書楊仁傳注

秘書監一人秩六百石後漢書桓帝紀注唐六典十



大子樂令一人秩六百石

後漢書明帝紀注

置陵園令食監各一人秩皆六百石

後漢書皇后紀注

憲陵園丞秩三百石陽陵令秩六百石

後漢書段熲傳注

丞皆選孝廉郎年少薄伐者遷補府長史都官令候司

馬

續漢志補注

光明也祿爵也勳功也言光六典郎謁諸虎賁羽林舉

不安得賞不失勞故曰光祿勳

太平御覽職官部

光祿勳有南北廬主事三署主事

案後漢書張霸傳注光祿勳主事見漢官

儀於諸郎之中察茂才高第者為之秩四百石次補尚

書郎出宰百里

唐六典一

光祿有主簿

唐六典十五

光祿舉敦厚質樸遜讓節儉此為四行

後漢書吳祐傳注范滂傳注

五官中郎皆秦官也秩比二千石三署郎屬焉

太平御覽職官部

部

五官左右中郎將秦官也秩比二千石凡郎官皆主更

直執戟宿衛

北堂書鈔設官部

郎中令屬官有五官中郎將左右中郎將曰三署署中

各有中郎議郎侍郎郎中皆無員外多至千人主執戟



衛宮陞及諸虎賁羽林郎皆屬焉謂之郎中令者言領

諸郎而為之長初學記職官部案續漢志無郎中令

三署謂五官署也左右署各置中郎將以司之郡國舉

孝廉以補三署郎年五十以上屬五官其次分在左右

署凡有中郎議郎侍郎郎中四等無員後漢書和帝紀注

建武二十四年遣中郎將段郴迎單于於五原塞北堂書鈔

設官部

虎賁中郎將古官也書稱武王伐紂戎車三百兩虎賁  
八百人擒紂於牧之野言其猛怒如虎之奔赴也孝武

建元三年初置期門案順帝紀注引有孝武以下十字北堂書鈔引作孝武皇帝初置期

門平帝元始元年更名虎賁郎案白帖七十五引將古有

勇者孟賁改奔為賁中郎將冠兩鷓尾案太平御覽服

插字鷓鷩鳥中之果勁者也每所攫撮應爪摧碎鬪不死

不止案北堂書鈔引鷓尾上黨所貢也後漢書順帝紀注北堂書鈔設

官部初學記服食部太平御覽職官部服章部

虎賁中郎將衣紗縠禪衣虎文錦袴餘郎亦然漢書江充傳注

北堂書鈔衣冠部兩引初學記寶器部太平御覽服章部兩引布帛部

虎賁千五百人戴鷓尾屬虎賁中郎將後漢書光武紀注



武帝太初元年初置建章營騎後更名羽林以天有羽  
林之星故取名焉又取從軍死事之子孫養羽林官教  
以五兵號曰羽林孤兒光武中興以征伐之士勞苦者  
爲之故曰羽林士

後漢書順  
帝紀注

羽林者言其爲國羽翼如林盛也皆冠鷩冠一名爲嚴  
郎言其侮禦嚴厲其後簡取五營高才列爲左右監羽

林父死子繼與虎賁同

廣韻九慶注太  
平御覽職官部

羽林郎出補三百石丞尉自占丞尉小縣丞尉三百石  
其次四百石比秩爲眞皆所以優之

後漢書和  
帝紀注

羽林左右監屬光祿

後漢書來  
歷傳注

羽林左監主羽林八百人右監主九百人

後漢書安  
帝紀注

羽林左騎秩六百石領羽林屬光祿勳

後漢書曹  
褒傳注

光祿大夫秩比二千石不言屬光祿勳

案藝文類聚  
引有此六字

光祿勳門外特施行馬以旌別之

藝文類聚職官  
部白帖七十五

成帝時王延世以校尉領河隄語曰

案語當  
作詔

東郡決河

流漂二州校尉延世隄防立塞改爲河平元年惟延世

長於計策功費約省以延世爲光祿大夫秩二千石

北  
堂

書鈔政  
術部



天子二十七大夫職在言議毗亮九卿無員多至數十人

北堂書鈔  
設官部

登高能作賦可以為大夫感物造端才知深美可與國  
事故舉為列大夫古者諸侯卿大夫交接鄰國以微言  
相感當揖讓之時必稱時

案時當  
作詩

以喻其志別賢不肖

而觀盛衰焉

北堂書鈔  
設官部

議郎郎中秦官也議郎秩比六百石特徵賢良方正敦  
朴有道第公府掾試博士者拜郎中

北堂書鈔  
設官部

議郎十二人秩比六百石不屬署不置事侍御史遷補

博士諸侯王郎中令

北堂書鈔  
設官部

謁者僕射秦官也僕主也古者重武事每官必有主射  
以督課之

後漢書光武紀注  
北堂書鈔設官部

孝明皇帝丁酉詔書曰謁者堯之尊官所以試舜於四  
門

北堂書鈔  
設官部

明帝詔書昔燕太子使荆軻劫始皇變起兩楹之間其  
後謁者之引客持匕首劍刺腋高祖偃武行文故易之

以版

北堂書鈔  
設官部

謁者皆著緇績大冠白絹單衣

北堂書鈔衣冠部  
太平御覽服章部



謁者三十人秩四百石掌報章奏事及喪弔祭享北堂書鈔

設官部

謁者三十五人以郎中秩滿歲稱給事未滿歲稱灌謁

者後漢書雷義傳注

舊河隄謁者居之水經注濟水

公車司馬令周官也秩六百石冠一梁掌殿司馬門夜

徼宮中天下上事及闕下案和帝紀注引作諸上凡所書詣闕下者皆集奏之

徼召皆總領之李郃以公車司馬入為侍中漢書百官公卿表注

後漢書光武紀注和帝紀注三輔黃圖二北堂書鈔設官部太平御覽職官部

北宮衛士令一人秩六百石後漢書譙元傳注

凡居宮中皆施籍於掖門案姓名當入者本官為封檠

傳審印信然後受之後漢書竇武傳注

崇賢門內德陽殿後漢書順帝紀注

未央大廡長樂承華等廡令案文選東京賦注引漢有承華廡皆秩六

百石後漢書和帝紀注三輔黃圖六

牧師諸苑三十六所分置西北邊分養馬三十萬頭漢書

百官公卿表注後漢書和帝紀注

廷尉責案上御史臺通典職官



光武時有以疑獄見廷尉曹史張禹所問輒對處當詳理於是冊免廷尉以禹代之雖越次而授亦足以厲其

臣節也通典職官太平御覽職官部

秦置典客掌諸侯及歸義蠻夷漢因之景帝更名大行

令武帝改曰大鴻臚初學記職官部

鴻臚景帝置北堂書鈔設官部

皇帝延諸侯王賓王諸侯皆屬大鴻臚故其薨奏其迹

賜與諡及哀策誅文通典職官

昔唐虞賓于四門此則禮賓之制鴻臚之任亦同初學記職

官部

宗正卿秩中二千石後漢書安帝紀注

長公主傅一人私府長一人食官一人永巷長一人家

令一人秩皆六百石各有員吏而鄉公主傅一人秩六

百石僕一人六百石家乘一人三百石後漢書皇后紀注

長公主官屬傅一人員吏五人騶僕射五人私府食官

永巷長令家令各一人後漢書鄧晨傳注

大司農古官也唐虞分命羲和四子敬授民時高祖受

命懲秦之弊與民休息逮至文景國家無事家給人足



京師之錢累一日巨萬貫朽而不可校太倉之粟陳陳

相因充溢露積腐敗而不可食北堂書鈔設官部藝文類聚職官部太平御覽

職官部案累一日巨萬誤當從漢書食貨志作累百巨萬

初秦置治粟內史掌穀貨漢因之景帝更名大農令武

帝更名大司農王莽改曰羲和又改爲納言東漢復曰

大司農初學記職官部白帖七十五

丞二千石續漢志補注案此條引作應劭漢官秩

平準令一人秩六百石後漢書靈帝紀注

廩犧令一人秩六百石後漢書和帝紀注董鈞傳注

少府掌山澤陂池之稅名曰禁錢以給私養官別爲藏

少者小也故稱少府秩中二千石大用由司農小用由

少府故曰小藏北堂書鈔設官部

少者小也小故稱少府王者以租稅爲公用山澤陂池

之稅以供王之私用古皆作小府續漢志補注案引作漢官太平御覽職

官部引漢官宰尹下曰少府言別爲少藏故曰少府

田租芻藁以給經用凶年山澤魚鹽市稅少府以給私

用續漢志補注

太醫令周官也兩梁冠秩千石丞三百石北堂書鈔設官部太平御



覽職官部

太醫令一人秩六百石後漢書安帝紀注

太醫令兩梁冠秩千石丞四人郡孝廉年五十清修聰

明者光祿上名迺召拜比秩四百石三歲為令以供養

勞苦遷案此下當有闕字左丞有湯官丞案當云有左丞有湯官丞掌諸甘

配案當云有甘丞掌諸甘肥皆見續漢書志及補注有菓丞掌菓瓜菜茹薪炭

太平御覽職官部

太官令秩一千石桓帝延熹元年使大官令得補二千

石置四丞唐六典十五

太官主膳羞也後漢書皇后紀注案光武紀注引口實膳羞之事也

太官丞官別在外掌菓瓜菜茹太平御覽菓茹部

太官右監丞秩比六百石後漢書桓帝紀注

守官令一人秩六百石後漢書桓帝紀注

鴻苑令一人秩六百石後漢書桓帝紀注案鴻德二字從桓帝紀注以小字別之下

凡做此

侍中周官也案太平御覽引連下金蟬一段侍中便蕃左右與帝升降

卒思案北堂書鈔引作切問近對拾遺補闕百寮之中莫密於茲

北堂書鈔設官部初學記職官部藝文類聚職官部白帖七十一太平御覽職官部



侍中金蟬左貂案藝文類聚引作有貂誤金取堅剛百鍊不耗蟬居

高食潔案晉書與服志引作飲清目在腋下案續漢志補注引作口在腋下貂內勁

悍而外溫潤案晉書與服志引溫潤作柔縛貂蟬不見傳記者因物論

義案者上當有說字論當引予覽戰國策乃知趙武靈王

胡服也其後秦始皇破趙得冠以賜侍中高祖滅秦亦

復如之孝桓末案北堂書鈔引有孝桓二字侍中皇權參乘問貂蟬

何法不知其說復問地震云不為災還宮左遷議郎續漢志補注晉書與服志北堂書鈔設官部初學記職官部器物部藝文類聚職官部太平御覽職官部服章部

侍中冠武弁大冠亦曰惠帝冠加金璫附蟬為文貂尾

為飾謂之貂蟬初學記職官部

侍中左蟬右貂本秦丞相史往來殿中故謂之侍中分

掌乘輿服物下至褻器虎子之屬武帝時孔安國為侍

中以其儒者特聽掌御坐唾壺朝廷榮之至東京時屬

少府亦無員駕出則一人負傳國璽操斬蛇劍乘案乘有參字

與中官俱止禁中案與當作與見通典後漢書獻帝紀注太平御覽職官部

侍中秩千石初學記職官部太平御覽職官部案唐六典八引作秩比二千石續漢志補注引

漢官秩千石



侍中殿下稱制出則參乘佩璽抱劔北堂書鈔設官部文選恩倖傳論注

太平御覽職官部

漢成帝取明經者充為侍中使辟百官公卿參議可正止殿行負璽舊高取一人為僕射後改為祭酒北堂書鈔設官部

部

史丹為侍中元帝寢疾丹以親密近臣得侍疾候上閒獨寢時丹直入卧内頓首伏青蒲上初學記職官部太平御覽職官部

桓帝時侍中邴存案藝文類聚人部引作刁存年老口臭上出雜舌

香與含之雜舌香頗小辛螫不敢咀嚼自嫌有過得賜

毒藥歸舍辭決欲就便宜家人哀泣不知其故賴寮友諸賢聞其憊失求視其藥出在口香咸嗤笑之更為吞

食其意遂解存鄙儒蔽于此耳北堂書鈔設官部初學記職官部藝文類聚人部

太平御覽人事部職官部香部

侍中周官號曰常伯選於諸伯言其道德可常尊也文選

陳大邱碑注

侍中周成王常伯任侍中殿下稱制出即陪乘佩璽抱

劔文選東京賦注藉田賦注安陸王碑注

漢官表曰凡侍中左右曹諸吏散騎中常侍皆加官也



通典  
職官

漢因秦置侍中舍人北堂書鈔設官部

中常侍秦官也漢興或用士人銀瑤左貂光武以後專

任宦者右貂金瑤後漢書朱穆傳注太平御覽服章部

給事黃門侍郎六百石無員掌侍從左右給事中使關

通中外後漢書獻帝紀注

給事黃門侍郎案北堂書鈔文選注引無黃門二字下同位次侍中侍從左

右關通內外給事於中故曰給事案太平御覽引下有中字黃門侍

郎獻帝置六員北堂書鈔設官部文選恩倖傳論注太平御覽職官部

黃門侍郎每日暮向青瑱門拜謂之夕郎後漢書獻帝紀注

給事中秦官也漢因之無常員皆為加官初學記職官部

漢武元鼎三年初置散騎俱掌問應對世祖省之案漢

初有散騎侍郎掌侍省皆為騎郎貲滿五萬為常侍郎

張釋之以貲為常侍蓋此官也北堂書鈔設官部

秦及前漢置散騎及中常侍各一馬竝乘輿

車獻可替否北堂書鈔設官部藝文記職官部

秦置散騎又置中常侍漢因之兼員多以為

加官初學記職官部



黃門令秩六百石

後漢書皇  
后紀注

黃門有畫室署玉堂署各有長一人

初學記職官部太  
平御覽職官部

黃門冗從僕射一人秩六百石

後漢書桓  
帝紀注

黃門鼓吹百四十五人

後漢書安  
帝紀注

暴室在掖庭內丞一人主宮中婦人疾病者其皇后貴

人有罪亦在此室也

後漢書皇  
后紀注

永令一人宦者為之秩六百石掌宮婢侍使

後漢書靈  
帝紀注

濯龍監六百石

續漢志補注 案此條  
本引作應劭漢官秩

中黃藏府掌中幣帛金銀諸貨物也

後漢書桓帝紀注  
案續漢志中藏

府令一人六百石本注曰掌中  
幣帛金銀諸貨物此衍黃字

內者署名令一人秩六百石屬少府

後漢書梁  
商傳注

內者主帷帳

後漢書皇  
后紀注

朔平署司馬一人

後漢書桓帝紀注 案  
朔平署不見於續漢志

尚書令主贊奏總典紀綱無所不統秩千石故公為之

朝會不陛奏事增秩二千石天子所服五時衣賜尚書

令其三公列卿將五營校尉行複道中遇尚書僕射左

右丞皆迴車豫避

案初學記職官部又引尚書  
官出百官寮皆迴車避也

不得紆臺官臺官過乃得去

唐六典一太平  
御覽職官部



尚書令侍中上東西寺及侍中寺初學記職官部

尚書令秦官銅印墨綬案初學記一引作漢初並用土人爲尚書令秩二千石與此異

又案墨當作青見通典職官與後漢書輿服志合每朝會案唐六典引有與司隸

校尉御史大夫中丞案唐六典太平御覽引無大夫二字皆專席坐京師

號曰三獨坐言其尊重如此唐六典一初學記職官部兩引藝文類聚禮部太平

御覽職官部漢舊置中書官領尚書事北堂書鈔設官部

僕射秩六百石公爲之加至二千石唐六典一

獻帝建安四年始置左右僕射以執金吾營郤爲左僕

射衛臻爲右僕射文選王文憲集序注

尚書唐虞官也書曰龍作納言朕命惟允案藝文類聚白帖引俱有

此四詩曰惟仲山甫王之喉舌宣王以中興秦改稱尚

書漢亦尊此官典機密也北堂書鈔設官部藝文類聚職官部白帖十七太平御覽

漢明帝詔曰尚書蓋古之納言出納朕命機事不密則

害成可不慎歟北堂書鈔設官部藝文類聚職官部太平御覽職官部

尚書四員武帝置成帝加一爲五有侍曹尚書主丞相

御史事二千石尚書主刺史二千石事戶曹尚書主人



庶上書事主客尚書主外國四夷事成帝加三公尚書

主斷獄事後漢書光武紀注

尚書秩五百石次補二千石唐六典二

初秦代少府遣吏四一在殿中主發書故號尚書尚猶

主也漢因秦置之故尚書為中臺謁者為外臺御史為

憲臺謂之三臺初學記職官部文選潘正叔贈王元貺詩注袁紹檄豫州注

尚書左丞右丞秩各四百石遷刺史太平御覽職官部

尚書令左丞總領綱紀無不統僕射右丞掌廩假錢穀

唐六典一

左右丞久次郎補也北堂書鈔設官部索引作侍臣上注

左右曹受尚書事前世文士以中書在右因謂中書為

右曹又稱西掖初學記職官部兩引太平御覽職官部

尚書郎四人一人主匈奴單于營部一人主羌夷吏民

一人主案吏民二字當在此下見通典天下戶口土田墾作一人主錢

帛貢獻委輸北堂書鈔設官部太平御覽職官部

尚書郎初從三署郎選詣尚書臺試每一郎缺則試五

人先試箋奏初入臺稱郎中滿歲稱侍郎初學記職官部

尚書郎初上詣臺稱守尚書郎滿歲稱尚書郎中三年



稱侍郎太平御覽職官部

郎以孝廉年未五十先試牋奏初上稱郎中滿歲為侍

郎北堂書鈔設官部

尚書郎初入臺為郎中滿歲稱為侍郎五歲遷太尉也

北堂書鈔設官部

能通蒼頡史篇案通典引作史籍補蘭臺令史滿歲補尚書令

史滿歲為尚書郎出亦與郎同宰百里郎與令史分職

受書令史見僕射尚書執板拜見丞郎執板揖唐六典一通典

職官太平御覽職官部

尚書郎見左右丞對揖無敬北堂書鈔禮儀部

丞郎見令僕射執板拜朝賀對揖丞郎見尚書執板對

揖稱曰明時案當云執板揖無對字見通典郎見左右丞對揖呼曰左

右君唐六典一初學記職官部

尚書郎主作文書起草夜更直五日于建禮門內初學記職官部

官部白帖七十二太平御覽職官部

尚書郎給青縑白綾被以錦被帷帳氈褥通中枕太官

供食湯官供麩餌五熟甲實下天子一等給尚書史二

人女侍史二人案初學記引作入直臺皆選端正從直



女侍執香爐燒從入臺謹衣奏事明光殿省皆胡粉塗

畫古賢人烈女郎握蘭含香趨走丹墀奏事黃門郎與

對揖天子五時賜服案北堂書鈔引作賜珥赤管大筆一雙分墨一丸若郎處

曹二年賜遷二千石刺史北堂書鈔設官部初學記職官部太平御覽職官部

尚書郎奏事明光殿省中皆胡粉塗壁其邊以丹漆地

故曰丹墀尚書郎含雞舌香伏其下奏事黃門侍郎對

揖跪受太平御覽職官部案引作漢官

尚書令僕丞郎月給赤管大筆一雙篆題曰北工作案

平御覽引作一宮工楷於頭上象牙寸半著筆下類聚

雜文部太平御覽文部

尚書令僕丞郎月賜渝麋大墨一枚小墨一枚初學記文部

曹郎二人掌天下歲盡集課有尚書曹郎有考功郎中

一人唐六典二

武帝時館陶公主為子乞郎不許賜錢千萬上曰夫郎

上應列宿出居百里使非其人民受其傷故時稱明慎

之至也北堂書鈔設官部

漢制八座丞郎初拜竝集都座交禮遷又解交唐六典一初學

記職官部太平御覽職官部



周禮有典瑞掌節之士蓋所以宣命重威為國信者也

北堂書鈔設官部

御史中丞二人本御史大夫之丞其一別在殿中兼典

蘭臺秘書外督部刺史內領侍御史受公卿章奏糾察

百寮

後漢書周紆傳注初學記職官部太平御覽職官部案周紆傳注引寮作司

御史秦官也案周有御史掌邦國都鄙及萬民之治令

以贊冢宰

北堂書鈔設官部太平御覽職官部案引皆曰漢官儀侍臣下曰蓋其篇名也

侍御史周官也為柱下史冠法冠一曰柱後以鐵為之

或說古有獬豸獸觸邪佞故執憲者以其角形為冠耳

余覽奏事云

案奏當作秦見通典

始皇滅楚以其君冠賜御史漢

興襲秦因而不改

後漢書何敞傳注初學記職官部服食部太平御覽職官部服章部

柱史以鐵為冠張武曰當以柱史惠文冠治之

錦繡萬花谷十

柱後冠左傳南冠而縶則楚冠也秦滅楚以其冠賜近

臣御史服之即今獬豸冠也古有獬薦獸

案此豸薦二字皆當作薦

觸不直者故執憲以其形用為冠令觸人也

左氏正義成公

柱下史老聃為之秦改為御史柱下史一名柱後史謂

冠以鐵為柱言其審

案當有不撓也北堂書鈔設官部



侍御史出督州郡賦稅運漕軍糧侍御史至後漢復有

護漕都尉官建武七年省通典職官

老子為周柱下史張蒼秦時為御史主柱下方書侍御

史之任也初學記職官部

治書侍御史宣帝嘗幸宣室齋居而決獄事令侍御史

二人治書後置秩六百石印綬與符璽郎共平治廷尉

奏事北堂書鈔設官部

蘭臺令史六人秩百石掌書劾奏後漢書班固傳注案續漢志蘭臺令史

秩六

執金吾比二千石丞六百石續漢志補注案此條引作漢官秩

執金吾典執金革以禦非常北堂書鈔設官部

吾禦也掌執金革以禦非常緹騎二百案當有人字五十人

案當作五百二十人見續漢書志補注通典此五百者伍伯也輿馬導從充滿于路世

祖微時歎曰仕宦當作執金吾是也續漢志補注太平御覽職官部案

引作漢官太平御覽又作宰尹下

執金吾屬官府武庫令丞案府當作有見續漢書志補注從騎二百人

案後漢書竇憲傳注張酺傳注引作緹騎持戟五百二十人輿服導從光滿

道路羣僚之中斯最壯矣中興以來但專微循不預國



政北堂書鈔設官部

執金吾車駕出從六百騎走六千二百人也北堂書鈔設官部

靜室令式道候秦官也靜宮令車駕出在前驅靜清所

微車逆日以示重慎也式道左右凡三惟車駕出迎式

道持麾王宮行之乃閉北堂書鈔設官部案續漢書志執金吾下本注云本有式道

左右中候三人六百石車駕出掌在前清道還持麾至宮門宮門乃開云云此所引多譌當依彼訂

太子太傅日就月將琢磨玉質言太子有玉之質琢磨

以道也文選陸士衡侍宴宣猷堂詩注劉越石勸進表注王元長曲水詩序注太平御覽職官部

詹事秦官也詹省也給也秩二千石廣韻二十四鹽注藝文類聚職官部

白帖七十一太平御覽職官部

帝祖母為太皇太后其所居者長信宮文選齊敬皇后哀策文注

帝祖母稱長信宮帝母稱長樂宮故有長樂少府長信

少府及職吏皆宦者為之後漢書皇后紀注

永樂太僕用中人為之後漢書皇后紀注

太子舍人王家郎中案侯霸傳注引王家郎中作選良家子孫與續漢志補注引漢官同

又案通典云比郎中選良家子孫續漢書志云更直宿衛如三署郎中此有譌脫竝秩二百石

無員後漢書靈帝紀注侯霸傳注

皇太子五日一至臺因坐東廂省視膳食以法制勅太



官尚食宰吏非其朝日使僕中允請問明不媿黷所以

廣敬也太子僕一人秩千石中允一人四百石主門衛

徼巡後漢書班彪傳注

安帝時太子謁廟門大夫乘從兩梁冠通典職官

門大夫選四府掾屬通典職官

將作大匠世祖中興以謁者領其官章帝建初元年乃

置真位次河南尹永元七年案續漢志補注引漢官作永元十年大匠應

慎上言百郡計吏觀國之光而舍逆旅崎嶇私館貢篚

之物朽溼曝露昔晉國霸之盟主耳舍諸侯于隸人鄭

子產以為大譏況今四海之大而可無乎和帝嘉納之

即創業焉續漢志補注藝文類聚職官部太平御覽職官部

左校署屬將作大匠後漢書皇甫規傳注

洛陽十二門東面三門最北名上東門次南曰中東門

每門校尉一人秩二千石司馬一人秩千石候一人秩

六百石後漢書張湛傳注張奮傳注

平城門為宮門不置候置屯司馬秩二千石續漢志補注案此

條引作漢官秩

十二門皆有亭後漢書皇后紀注



上西門所以不純白者漢家居於戌案續漢志補注初戌故

以丹漆鏤之續漢志補注太平寰宇記河南道案續漢志補注引作故丹鏤之

開陽門始成未有名夜案續漢志補注引夜作宿昔有一柱來止樓

上琅邪開陽縣上言縣南城門一柱飛去光武皇帝使

來識視之良是案續漢志補注引良是作悵然遂堅縛之因刻記其年

月以名門焉後漢書循吏傳注續漢志補注水經注穀水太平寰宇記河南道兩引文選懷舊賦

注太平御覽居處部

屯騎越騎步兵射聲各領士七百人長水領士七千三

百六十七人後漢書安帝紀注

驍騎漢官也武帝以李廣為之後世祖建武九年始改

屯騎北堂書鈔設官部

越騎司馬一人秩千石後漢書鄭眾傳注

步兵校尉比二千石掌宿衛兵屬北軍中候後漢書皇后紀注

司隸校尉部河南內案內上當有河字右扶風左馮翊京兆河

東宏農七郡案後漢書魯恭傳注引作董領京師及三輔三河宏農段熲傳注引作部河南洛陽

管三輔三河宏農七部於河南洛陽故謂東京為司隸後漢書光武紀注

司隸校尉征和中陽石子孫敬聲案子當作公巫蠱之獄乃

依周禮置司隸校尉持節都督大姦猾事復置其司今



董領京師三輔三河宏農者北堂書鈔設官部

司隸校尉糾皇太子三公以下及旁州郡國無不統陞

下見諸卿皆獨席太平御覽職官部

司隸校尉初置唯寔領王章鮑宣糾上檢下嚴刑必斷

貴戚憚之京師政清北堂書鈔設官部

司隸都官從事主洛陽百官朝會與三府掾同後漢書竇武傳

注北堂書鈔設官部案北堂書鈔引作掌洛陽中百姓

司隸功曹從事即治中也後漢書傅燮傳注太平御覽職官部

別駕秩百石同諸郡從事北堂書鈔設官部

河南尹所治周地也洛陽本周城案周城當作成周周之衰微

分為西周案西上當有東字東周洛陽西河南秦兼天下置三川守河

雒伊也案藝文類聚引河雒伊作洛陽伊誤漢更名河南孝武皇帝增曰

太守世祖中興徙都雒陽改號為尹尹正也詩曰赫赫

師尹藝文類聚地部職官部太平御覽職官部

尹正也郡府聽事壁諸尹畫贊肇自建武訖于陽嘉注

其清濁進退所謂不隱過不虛譽甚得述事之實後人

是瞻足以勸懼雖春秋采毫毛之善貶纖介之惡不避

王公無以過此尤著明也續漢志補注



仁恕掾主獄屬河南尹後漢書魯恭傳注

周監二代曰伯漢興海內未定令刺史舉州事北堂書鈔設官部

孝武皇帝南平百越北攘夷狄置交趾朔方州之復徐

梁之地改雍曰梁改梁曰益凡十三州所以交朔獨不

稱州明示帝王未必相襲始開北方遂交南方為子孫

基址也後漢書光武紀注太平御覽職官部

孝武元封四年始御史丞相之遷部刺史十三人乘驛

奏事北堂書鈔設官部

朱博言刺史督察郡國從來故事居九歲案居下當為有部字

守相北堂書鈔設官部

翟方進奏刺史位下大夫而臨二千石輕重失次請罷

署牧案署當作置見通典所載何武與翟方進奏秩二千石者也北堂書鈔設官部

元帝時丞相于定國條州大小為設吏員治中別駕諸

部從事秩皆百石同諸郡從事北堂書鈔設官部太平御覽職官部秦用

李斯議分天下為三十六郡凡郡或以列國陳魯齊吳

是也或以舊邑長沙丹陽是也或以山林太山山陽是

也或以川源西河河東是也或以所出金城城下有金



酒泉泉味如酒案初學記州郡部藝文類聚水部太平御覽地部引酒泉城下有金泉泉味如

酒故曰豫章章樹生庭中案水經注贛水太平御覽木部俱引此句鴈門鴈

之所育是也或以號令禹合諸侯大計東治之山會稽

是也水經注河水太平御覽州郡部

京兆絕高曰京大也十億曰兆欲令帝都殷盈也左

輔右弼蕃翊承風也張掖始開垂張臂掖也太平御覽州郡部

案後漢書明帝紀注引張國臂掖故曰張掖

馮輔蕃翊故以為名太平御覽州郡部

宏大也所以廣大農業也太平御覽州郡部

濟南樂安齊國東萊平原北海六郡青州所管也青州

在齊國臨淄後漢書史弼傳注

荆州管長沙零陵桂陽南陽江陵案陵當作夏武陵南郡案續

漢書志荆州郡七此上是也章陵後漢書劉表傳注

大府秩二千石丞一人邊郡稱長史皆六百石丞者丞

也長史眾史之長北堂書鈔設官部

都尉秦官也本名郡尉掌佐太守典其武職秩比二千

石孝景時更名都尉後漢書彭修傳注

秦郡有尉一人典兵禁補盜賊案補當作備見續漢書志景帝更名



都尉建武十年省惟邊郡置都尉及屬國都尉後漢書桓帝紀

京兆虎牙扶風都尉案耿恭傳注引有郡比二千石五字以涼州近羌數

犯三輔將兵衛護園陵扶風都尉居雍縣故俗人稱雍

營焉後漢書安帝紀注耿恭傳注實憲傳注南匈奴傳注

蓋天生五材民竝用之廢一不可誰能去兵兵之設尙

矣易稱弦木為弧剡木為矢弧矢之利以威天下春秋

三時務農一時講武詩美公劉匪居匪康入耕出戰乃

裹餼糧干戈戚揚四方莫當自郡國罷材官騎士之後

官無警備實啟寇心一方有難三面救之發與雷震煙  
蒸電激一切取辨黔首囂然不及講其射御用其戒誓  
一旦驅之以即強敵猶鳩鵲捕鷹鷂豚羊弋豺虎是以  
每戰常負王旅不振張角懷挾妖偽遐邇搖蕩八州竝  
發煙炎絳天牧守梟裂流血成川爾乃遠徵三邊殊俗  
之兵非我族類忿鷲縱橫多僵良善以為已功財貨糞  
土哀夫民氓遷流之咎見出在茲不教而戰是謂棄之  
跡其禍敗豈虛也哉春秋家不藏甲所以一國威抑私  
力也今雖四海殘壞王命未洽折衝壓難若指於掌故



置右扶風

案此下當脫文續漢志補注

世祖中興海內人民可得而數裁十二三邊陲蕭條靡

有子遺鄣塞破壞亭隊絕滅建武二十一年始遣中郎

將馬援謁者分築烽候堡壁稍興立郡縣十餘萬戶

案二

字有或空置太守令長招還人民上笑曰今邊無人而

設長吏治之難如春秋素王矣乃建立三營屯田殖穀

弛刑謫徒以充實之

續漢志補注

高祖命天下郡國選能引關蹶張材力武猛者以為輕

車騎士材官樓船常以立秋後講詣課試各有員數平

地用車騎山阻用材官水泉用樓船

後漢書光武紀注

民年二十三為正一歲以為衛士一歲為材官騎士習

射御騎馳戰陣八月太守都尉令長相丞尉會都試課

殿最水家為樓船亦習戰射行船過郡太守各將萬騎

行鄣塞烽火追虜置長史一人丞二人治兵民當兵行

長領置部尉千人司馬候農都尉皆不治兵不給衛士

材官樓船年五十六老衰乃得免為民就田應合選為

亭長亭長課徼巡尉皆習設備五兵五兵弓弩戟楯刀

劍甲鎧鼓吏赤幘行滕帶劍佩刀持楯被甲設矛戟習



射設十里一亭亭長亭候五里一郵郵間相去二里半  
司姦盜亭長持二尺版以劾賊索繩以收執賊

續漢志補注

案此條亦見漢舊儀

督郵功曹郡之極位

後漢書張

孝廉古之貢士耆儒甲科之謂也

北堂書鈔設官部

孝廉年未五十先試箋奏初上試之以事非試之以誦

也

北堂書鈔設官部

孝武元封四年詔曰上士貢名茂才者是也

北堂書鈔設官部

元朔元年詔二千石舉孝廉以化風俗

北堂書鈔設官部

元朔元年詔曰深詔執事興孝廉成風俗紹聖緒

北堂書鈔

設官部

和帝詔曰大郡口五十萬舉孝廉二人

北堂書鈔設官部

前書百官表云萬戶以上為令萬戶以下為長三邊始  
孝武皇帝所開縣戶數百而或為令荆揚江南七郡惟  
有臨湘南昌吳三令爾及南陽穰中土沃民稠四五萬  
戶而為長桓帝時以江南陽安為女公主邑改號為令  
主薨復復其故若此為繫其本俗說令長以水土為之  
及秩高下皆無明文班固通儒述一代之書斯近其真



續漢志補注

明帝臨觀見洛陽令車騎意河南尹及至而非尤其太

盛敕去軒綏時偃師長治有能名以事詣臺因取賜之

下縣遂以為故事通典職官部太平御覽職官部

大縣丞左右尉所謂命卿三人小縣一尉一丞命卿二

人續漢志補注通典職官部太平御覽職官部

北邊郡庫官之兵器所藏故置令漢書成帝紀注河間獻王傳如淳注

使匈奴中郎將擁節秩比二千石後漢書光武紀注

使匈奴中郎將屯西河美稷縣後漢書光武紀注

擁節屯中步南設官府掾史單于歲遣侍子來朝謁者

常送迎焉得酪弓馬氈罽他物百餘萬謁者事訖還具

表付帑藏詔書敕自受續漢志補注

護烏桓校尉孝武帝時烏桓屬漢始于幽州置之擁節

監領秩比二千石太平御覽職官部

烏桓校尉屯上谷密縣後漢書張奐傳注

擁節長史一人司馬二人皆六百石并領鮮卑客賜質

子歲時胡市馬續漢志補注案此屬烏桓校尉

護羌校尉武帝置秩比二千石持節以護西羌王莽亂



遂罷時班彪議宜復其官以理冤結帝從之以牛邯為

護羌校尉于隴西令居縣後漢書光武紀注

擁節長史司馬二人皆六百石續漢志補注案此屬護羌校尉史字下亦當

有一人二字

戊巳中央鎮撫四方又開渠播種以為厭勝故稱戊巳

焉後漢書明帝紀注西域傳注案戊巳校尉不見于續漢志

西域都護武皇帝始開通西域三十六國其後稍分至

五十餘國置使者校尉以領護之宣帝神雀三年改曰

都護秩二千石平帝時省都護令戊巳都護領之太平御覽

職官部

馬曰羈牛曰縻言制四夷如牛馬之受羈縻也史記司馬相如

列傳索隱文選難蜀父老注

諸侯功德優盛朝廷所敬異者賜位特進在三公下其

次朝廷案廷當作侯在九卿下其次侍祠侯其次下士小國

侯案續漢書志無此句似當云無土關內侯以肺腑親公主子孫奉墳墓于

京師亦隨時朝見是為限諸侯案限當作猥和帝紀注鄧禹傳注

皇后父兄率為特進侯朝會位次三公故章帝啟馬太

后曰漢典舅氏之封侯猶皇子之為主其功臣四姓為



朝侯侍祠侯皆在卿校下通典職官

天子建侯上法四七後漢書劉瑜傳注

伯史主為諸侯官驅使避路于道陌中故言伯使通典職官

引云漢官中有伯使云云

太保俸月三百五十斛唐六典一

中二千石俸月百八十斛史記外戚世家索隱

二千石其俸月百二十斛史記外戚世家索隱

斗食月俸一十斛佐史月俸八斛漢書百公卿表注通典職官案引皆作

漢官名秩簿

張敞蕭望之言曰夫倉廩實而知禮節衣食足而知榮辱今小吏俸率不足常有憂父母妻子之心雖欲潔身為廉其勢不能請以什率增天下吏俸宣帝乃益天下

吏俸什二通典職官

范遷字子閻沛人也後漢書明帝紀注牟融傳注案凡引人名皆舉其官今不能知者

總附于此

王敏字叔公并州隰城人也後漢書明帝紀注

尹睦字伯師河南鞏州人也後漢書和帝紀注張酺傳注

梁鮪字伯元河東平陽人也後漢書殤帝紀注魯恭傳注



周章字次叔荊州隨縣人也後漢書安帝紀注

李修字伯游豫州襄城人也後漢書安帝紀注虞詡傳注李膺傳注

劉授字孟春徐州武原人也後漢書安帝紀注楊震傳注

呂蓋字君上范陵人後漢書魯恭傳注

許訓字季師平輿人後漢書劉寬傳注

宋俱字伯儷後漢書宋均傳注

陶敦字文理京兆人也後漢書虞詡傳注

劉矩字叔方後漢書皇甫規傳注

尹訟字公孫鞏人也後漢書段熲傳注

樊陵字德雲後漢書李膺傳注

劉宏字子高安眾人後漢書董卓傳注



漢官儀卷上

華陽劉澤溥覆校

漢官一卷

賜進士及第山東等處督糧道兼管德常臨清倉事務加二級孫星衍校集

太傅長史一人秩千石掾屬二十四人令史御屬二十

二人

建武十二年八月乙未詔書三公舉茂才各一人廉吏

各二人光祿歲舉茂才四行各一人察廉吏三人中二

千石歲察廉吏各一人廷尉大司農各二人將兵將軍

歲察廉吏各二人監察御史司隸州牧歲舉茂才各一

人案此條引作漢官目錄

漢官

漢官儀卷下



司徒三十人案此條引作漢官目錄司徒椽屬四字從續漢志補以小字別之下凡做此

司空三十四人案此條引作漢官目錄

太常員吏八十五人其十二人四科十五人佐五人假佐

十三人百石十五人騎吏九人學事十六人守學事

太史待詔三十七人其六人治歷案唐六典十引大史屬員有理歷六人因

避唐諱改三人龜卜三人廬宅四人日時三人易筮二人典

禳九人籍氏許氏典昌氏各三人嘉法請雨解事各二

人醫二人案各本引此條俱作漢官儀

太史靈臺待詔四十一人其十四人候星二人候日三人

候風十二人候氣三人候暑景七人候鍾律一人舍人

案唐六典十引漢官靈臺員史十三人靈臺待詔四十六人

太祝員吏四十一人其二人百石二人斗食二十二佐

二人學事四人守學事四人有秩百五十人祝人宰二

百四十二人屠者六十八

太宰明堂丞一人二百石員吏四十二人其二人百石二

人斗食二十二佐九人有秩二人學事四人守學事

宰二百四十二人屠者七十三人衛士一十五人

太子樂令員吏二十五人其二人百石一人斗食七人佐十



人學事四人守樂事樂人八份舞三百八十八人

高廟員吏四人衛士一十五人

世祖廟員吏六人衛士二十人

先帝陵每陵食監一人秩六百石監丞五人三百石中黃

門八人從官二人

光祿勳員吏四十四人其十人四科三人百石二人斗食

二人佐六人騎吏八人學事十三人守學事一人官醫

衛士八十一人

陸長墨綬銅印

孝廉郎作主羽林九百人二監官屬史吏皆自出羽林

中有材者作

奉車都尉三人

駙馬都尉五人

騎都尉一十人

光祿大夫三人

大夫中大夫二十人秩比二千石

大夫散大夫三十人秩比二千石

諫大夫三十人



議 五十八人無常員

郎 謁者三十人其二人公府掾六百石持使也

衛尉員吏四十一人其九人四科二人二百石文學三人

百石十二人斗食二人佐十三人學事一人官醫衛士

六十八人

南宮衛士員吏九十五人衛士五百三十七人

北宮衛士員吏七十二人衛士四百七十二人

右都侯員吏二十二入衛士四百一十六人左都侯員

吏二十八人衛士三百八十三人

案侯皆當作候

南宮南屯司馬員吏九人衛士百二人

北宮門蒼龍司馬員吏六人衛士四十人

玄武司馬員吏二人衛士三十八人

北屯司馬員吏二人衛士三十八人

北宮朱爵司馬員吏四人衛士百二十四人

東明司馬員吏十三人衛士百八十八人

朔平司馬員吏五人衛士百一十七人

凡員吏皆隊長佐

太常光祿右三卿太尉所部

漢官

案此條引作漢官目錄



太僕員吏七十人其七人四科一人二百石文學八人百石六人斗食七人佐六人騎吏三人假佐三十一人學事一人官醫

考員吏百九人

車府員吏二十四人

未央員吏七十人卒騶二十人

長樂員吏十五人卒騶二十人首蓓苑官田所一人守

之

尉廷員吏百四十八人其十一人四科十六人二百石廷吏

文學十六人百石十三人獄吏二十七人佐二十六人

騎吏三十人假佐一人官醫

大鴻臚員吏五十五人其六人四科二人二百石文學六

人百石一人斗食十四人佐六人騎吏十五人學事五

人官醫

大員吏四十人其四人四科五人二百石文學五人百

石九人斗食六人佐六人學事十二人守學事

太僕廷尉右三官司徒所部案此條引作漢官目錄

宗員吏四十一人其六人四科一人二百石四人百石



三人佐六人騎吏二人法家十八人學士一人官醫  
 諸公主簿一人秩六百石僕一人秩六百石私府長一  
 人秩六百石家丞一人三百石直隸三人從官三人  
 大司農員吏百六十四人其十八人四科九人斗食十六  
 人二百石文學二十八人百石二十五人佐七十五人學  
 士一人官醫

太倉員吏九十九人

平準員吏百九十九人

官導員吏百一十五人

儀丞一人三百石員吏四十人其十一人斗食十七人  
 佐七人學事五人守學事皆河南屬縣給吏者

市雒陽市長一人秩四百石丞一人二百石明法補員吏

三十六人十三人百石嗇夫十一人斗食十二人佐又  
 有檄權丞三百石別治中水官主水渠在馬市東有員  
 吏六人

少府員吏三十四人其一人四科一人二百石五人百石  
 四人斗食三人佐六人騎吏十三人學事一人官醫  
 太醫員醫二百九十三人員吏十九人



太官員吏六十九人衛士三十八人  
守官員吏六十九人外官丞二百石公府吏府也  
上苑員吏五十八人  
黃門員吏十九人  
掖庭吏從官百六十七人待詔五人員吏十人  
永巷員吏六人吏從官三十四人右丞一人暴室一人  
御府員吏七人吏從官三十人右丞一人  
祠祝從官吏八人騶僕射一人家巫八人  
鉤盾吏從官四十八人員吏四十八人又有署一人胡熟監

一人  
中藏員吏十三人吏從官六人  
內者從官祿士一人員吏十九人  
尙方員吏十三人吏從官六人  
符節當得明法律郎  
宗正大司右三卿司空所部案此條引作漢官目錄  
農少府員吏二十九人其十八人四科一人二百石文學三人  
執金吾員吏二十九人其十八人四科一人二百石文學三人  
人百石二人斗食十三人佐學事注緹騎  
執金吾緹騎二百人五百二十人



太子員吏十三人

太子舍人十三人選良家子孫

太子門大夫二人選四府掾屬

太子洗馬選郎中補也

北軍中候員吏七人候自得辟召通大鴻臚一人斗食

屯騎校尉員吏百二十八人領士七百人

越騎校尉員吏百二十七人領士七百人

步兵校尉員吏七十三人領士七百人

長水校尉員吏百五十七人烏桓胡騎七百三十六人

射聲校尉員吏百二十九人領士七百人

河南尹員吏九百二十七人十二人百石諸縣有秩三

十五人官屬掾史五人四部督郵吏部掾二十六人案

獄仁恕三人監津渠漕水掾二十五人百石卒史二百

五十人文學守助掾六十八人書佐五十人循行二百三

十人幹小史二百三十一人

雒陽令秩千石丞三人四百石孝廉左尉四百石孝廉

右尉四百石員吏七百九十六人十三人四百石鄉有

秩獄史五十六人佐史鄉佐七十七人斗食令史嗇夫



假五十人官掾史幹小史二百五十人書佐九十人循  
行二百六十八

鄉戶五千則置有秩

沛國譙去雒陽千二十里

常山國高去雒陽一千里

武陵郡漢去雒陽三千里

九江郡壽春刺史治去雒陽千三百里

漢陽郡隴去雒陽一千一百里

太原郡晉南有梗陽城中行獻子見巫臯

廣陽郡薊雒陽東北二千里  
刺史治  
蒼梧郡  
廣信  
刺史治去雒陽九千里  
案以上俱見續漢志補注



隋志漢官五卷應劭注漢官儀十卷應劭撰據後漢書  
應劭傳建安二年詔拜劭爲袁紹軍謀校尉時始遷都  
於許舊章堙沒書記罕存劭慨然歎息乃綴集所聞著  
漢官禮儀故事劭所撰止一書不知隋志何以分爲二  
又劭傳云凡朝廷制度百官典式多劭所立初父奉爲  
司隸時並下諸官府郡國各上前人像贊劭乃連綴其  
名錄爲狀人紀今諸書引漢官儀有諸人姓名狀人紀  
者疑卽其書中篇名陳氏書錄解題有應劭漢官儀一  
卷載三公官名及名姓州里李埴補一卷俱不傳諸書



引有作應劭漢官應劭漢官儀亦有彼此互舛不可分  
別今併錄爲二卷續漢志劉昭補注引漢官不標名應  
劭者悉是目錄不知何人所撰別爲一卷以存其舊

漢官儀卷下

漢軍謀校尉應劭撰

賜進士及第山東等處督糧道兼管德常臨清倉事務加二級孫星衍校集

皇者大也言其煌煌盛美帝者德象天地言其能行天

下號曰皇帝道舉措審諦父天母地爲天下主

部

太平御覽皇王

光武帝雖十二於父子之次於成帝爲兄弟於哀帝爲  
諸父於平帝爲祖父皆不可爲之後上至元帝於光武  
爲父故上繼元帝而爲九代故河圖云赤九會昌謂光

武也

後漢書光武紀注



皇后稱椒房取其蕃實之義也案初學記一切經音義引作國風美其繁與太平御覽引作美其繁詩云椒聊之實蕃衍盈升案廣韻四香注猶

燕在下文引詩下以椒塗室取溫煖除惡氣也案廣韻四香注猶

天子朱泥殿上曰丹墀也後漢書皇后紀注初學記中

經音義十九錦繡萬花谷九白帖三十七太平御覽

皇親部居處部案文選景福殿賦注引作漢舊儀

婕妤以下皆居掖庭後漢書班固傳注

掖庭後宮所處中宮謂諸中人後漢書宦者傳論注

姬內官也秩比二千石位次婕妤下在八子上漢書文

贊注案引作秩祿令

姬妾數百漢書文

北郊壇在城西北角去城一里所謂方壇四陛但存壇

祠舍而已其鼓吹樂及舞者御帳皆從南郊之具地祇

位南面西上高皇后配西面皆在壇上地理羣神從食

壇下南郊焚犢北郊埋犢後漢書光武紀注

祭地于河東汾陰后土宮宮曲入河古之祭地澤中方

丘也以夏至日祭其禮儀如祭天後漢書光武紀注

馬第伯封禪儀記曰案封禪儀馬第伯所作劭錄之於

第伯封禪記者皆此書文也史記孝武本紀索隱封禪儀見應劭漢官儀車駕正月二十八



漢官儀卷下  
日發雒陽宮二月九日到魯遣守謁者郭堅伯將徒五百人治泰山道十日魯遣宗室諸劉及孔氏瑕邱丁氏上壽受賜皆詣孔氏宅賜酒肉十一日發十二日宿奉高是日遣虎賁郎將先上山三案行還益治道徒一千人十五日始齋案通典引下作諸扈從王公以下及國東方諸侯盡齋四字無下文一段家居太守府舍諸王居府中諸侯在縣庭中齋諸卿校尉將軍大夫黃門郎百官及宋公衛公褒成侯東方諸侯雒中小侯齋城外汶水上太尉太常齋山虞馬第伯自云某等七十人先之山虞觀祭山壇及故明堂宮郎

官等郊肆處入其幕府觀治石石二枚狀博平圓九尺此壇上石也其一石武帝時石也時用五車不能上也因置山下爲屋號五車石四維距石長丈二案通典引字廣二尺厚尺半所四枚檢石長三尺廣六寸狀如封籛長檢十枚一紀號石高丈二尺廣三尺厚尺二寸名曰立石一枚刻文字紀功德案太平御覽地部引作石二枚一武帝時石用五車載不能上因置山中爲屋號五車石一是朝上山刻號紀功德立壇上藝文類聚地部引同是朝上山騎行往往道峻峭下騎步牽馬乍步乍騎且將半至中觀留馬去平地二十里南向極望無不觀案通典引仰望作眺



望天關如從谷底仰觀抗峯其為高也如視浮雲其峻也石壁窅窳如無道徑遙望其人端如行朽兀或為白石或雪案太平御覽地部引作望人如孟久之白者移過樹乃知是人也案通典引遙望至此二十七字無殊不可上四布僵臥石上有頃復蘇亦賴齋酒脯處處有泉水目輒為之明復勉強相將行到天關自以已至也問道中人尚十餘里其道旁山脅大者廣八九尺狹者五六尺仰視巖石案通典引松樹鬱鬱蒼蒼若在雲中俛視谿谷碌碌不可見丈尺遂至天門之下仰視天門窅窳如從穴中

視天直上七里賴其羊腸逶迤名曰環道往往有絕索可得而登也兩從者扶掖前人相牽後人見前人履底前人見後人頂如畫重累人矣案通典引所謂摩胸拊石捫天之難也初上此道行十餘步一休稍疲咽唇焦五六步一休牒牒據頓地不避溼闇前有燥地目視而兩脚不隨案通典引所謂至此五十一字無早食上脯後到天門郭使者得銅物銅物形狀如鍾又方柄有孔莫能識疑封禪具也得之者汝南召陵人姓楊名通東上一里餘得木甲木甲者武帝時神也東北百餘步得封所始皇立石



及闕在南方漢武在其北二十餘步得北垂圓臺高九尺方圓三丈所有兩陛人不得從上從東陞上臺上有壇方一丈二尺所上有方石四維有距石四面有闕鄉壇再拜謁人多置錢物壇上亦不埽除國家上見之則詔書所謂酢梨酸棗案太平御覽臬部兩引云光武封主者曰百官上者所置上曰封禪大禮千歲一會衣冠士大夫何故爾也狼藉散錢處數百幣帛具道是武帝封禪至泰山下未及上百官為先上案續漢志補注引有跪拜置梨棗錢于道以求福即此也無先字通典引有東山名曰日觀案藝文類聚天部太平御覽地部引作泰山東南有峯名曰日觀水經注汶水

引作東南山頂日觀者雞一鳴時見日始欲出長三丈所秦觀者望見長安案文選顏延年詩注引此作漢舊儀吳觀者望見會稽周觀者望見齊西北有石室壇以南有玉盤中有玉龜案藝文類聚禮部雜器物部文選張平子四愁詩注白帖十三太平御覽器物部珍寶部引同山南有神泉飲之極清美利人日入下去行數環日暮時頗雨不見其道一人居其前先知蹈有人乃舉足隨之比至天門下夜人定矣續漢志補注通典禮案太山盤道屈曲而上凡五十餘盤經小天門大天門如從穴中視天窻矣案太平御覽居處部引泰山有天窻自下至古封禪處



凡四十里山頂西巖為仙人石閣東巖為介邱案下本有東南

巖名曰觀一段 已見上今刪 黃河去泰山二百餘里於祠所瞻黃河

如帶若在山陘山南有廟悉種柏千株大者五六十圍

相傳云漢武所種小天門有秦時五大夫松見在初學記地

部太平御覽地部

泰山東上七十里至天門初學記地部

秦始皇上封太山逢疾風暴雨賴得松樹因復其下封

為五大夫藝文類聚木部太平御覽木部事類賦木部

車駕十九日之山虞國家居亭案藝文類聚禮部引作建武三十二年東巡狩

二月九日到魯 百官布野此日山上雲氣成宮闕百

官竝見之二十一日夕牲時白氣廣一丈東南極望致

濃厚時天清和無雲瑞命篇岱嶽之瑞以日為應也續漢

志補注 案補注 皆作封禪儀下同

建武三十二年車駕東巡狩正月二十八日發維陽宮

二月九日到魯十二月宿奉高十五日始齋十九日之

山虞國家居亭二十一日夕牲二十二日祭日高三丈

所燔燎正北鄉禮畢大夫以次上國家時御輦人挽升

車也北堂書鈔禮儀部 案車當作山



晨祭也日高二丈所燔燎烟正北也續漢志補注

百官各以次上郡儲輦三百為貴臣諸公王侯卿大夫

百官皆步上少用輦輦者續漢志補注

國家御首輦人輓升山案北堂書鈔車部引作乘王輦以升山至中觀休

須臾復上續漢志補注

須臾羣臣畢就位續漢志補注

國家臺上北面虎賁陛戟臺下續漢志補注

建武三十二年二月辛卯登封太山皇帝北面尚書令奉玉牒檢進南面跪太常曰請封皇帝親封畢退復位

太常曰請拜皇帝再拜大行禮畢羣臣皆呼萬歲命人

發壇上石尚書令藏玉牒封石檢也北堂書鈔禮儀部三引

騶騎二千餘人發壇上方石續漢志補注

以金為繩以石為泥南三檢案續漢志補注通典引無為泥南三字東方

西方各二檢案二當依通典引作三又案續漢志通典典皆云東西各三南北各二此有誤檢

中石泥及壇土色赤白黑案赤字當有青字各依如其方色續漢志

封禪太山即武帝封處累其石登壇置玉牒書封石此

中復封石檢藝文類聚禮部



羣臣稱萬歲音動山谷有青氣屬天遙望不見山巔山巔人在氣中不知也續漢志補注北堂書鈔禮儀部太平御覽天部案續漢志補注引

無青字北堂書鈔設官部引作白氣

世祖封禪久案久當作夕有白氣一丈東南正直壇所有青

氣上與天屬遙望不見此瑞命之符也太平御覽休徵部

元封封禪書有白氣案書當作畫夜有光下天下案此下闕字當衍

石門藝文類聚禮部

封畢有頃詔百官以次下國家隨後數百人維持行相逢推百官連延二十餘里道多迫小深谿高岸數百丈

步從匍匐邪上起近炬火止亦駱驛步從觸擊大石石聲正謹但謹石見相應和者腸不能已口不能默夜半後到百官明日乃訖其中老者氣劣不能行臥巖石下明日早太醫令復遵問起居國家云昨上下山欲行迫前欲休則後人所蹈道峻危險恐不能度國家不勞百官以下露臥水飲無一人蹉跌無一人疾病豈非天邪泰山率多暴雨如今上直下柴祭封登清晏溫和明日上壽賜百官省事畢發暮宿奉高三十里明日發至梁甫九十里夕牲續漢志補注案此條有誤字



功效如彼天應如此羣臣上壽國家不聽續漢志補注

建武三十二年車駕東巡狩二月二十二日祭上日中

到山禮畢羣臣稱萬歲有頃詔百官以次下明案當有日字

問起居二十四日發至梁父九十里夕牲二十五日禪

祭于梁陰陽者祭天陰者祭地始元舊禮以高帝配天

高后配地北堂書鈔設官部

明堂四面起土作塹上作橋塹中無水明堂去平城門

二里所天子出從平城門先歷明堂乃至郊祀後漢書光武紀

注

辟雍去明堂三百步車駕臨辟雍從北門入三月九月

皆于中行鄉射禮辟雍以水周其外以節觀者諸侯曰

泮宮東西南有水北無下天子也後漢書光武紀注

辟雍四門外有水以節觀者門外皆有橋後漢書儒林傳序注

大射于曲臺漢書藝文志如淳注

春三月秋九月習鄉射禮禮生皆使太學學士後漢書儒林傳

注序

立春之日遣使者賜文官司徒司空帛三十四案續漢志補注

引作四十四九卿十五匹武官太尉大將軍各六十四執金



吾諸校尉各三十匹武官倍于文官續漢志補注通典職官太平御覽時

序部案續漢志補注引作名秩在立秋下

古不墓祭秦始皇起寢于其側漢因而不改諸陵寢皆

以晦望二十四氣三伏社臘及四時上飯其親寢所宮

人隨鼓漏理被枕具盥水陳莊具天子以正月上原陵

公卿百官及諸侯王郡國計吏皆當軒下占其郡國穀

價四方改易欲先帝魂魄聞之也後漢書明帝紀注

天子春耕之日親率三公九卿戴青幘冠青衣載青旂

駕青龍公卿以下車駕如常法往出種堂天子升壇上

空無際公卿耕訖天子耕于壇舉耒三而已北堂書鈔禮儀部藝

文類聚禮部文選藉田賦注太平御覽禮儀部

天子升壇公卿耕訖嗇夫下種凡稱藉田為千畝亦曰

帝藉亦曰耕藉亦曰東藉亦曰親藉亦曰王藉初學記禮部藝

文類聚禮部太平御覽禮儀部

天子父事三老兄事五更天子親割三公設几九卿正

履祝嘏在前祝咽在後北堂書鈔設官部文選辟雍詩注太平御覽禮儀部

三老五更三代所尊也安車輶輪送迎至家天子獨拜

於屏三者道成於天地人老者久也舊也五者訓于五



品更者五世長子更更相代言不能以善道改更已也

三老五更皆取有首妻男女完具後漢書明帝紀注續漢志補注北堂書鈔

設官部

伏日萬鬼所行故盡日閉案太平御覽引作故謹不干它事後漢書和

帝紀注太平御覽時序部

大將軍三公臘賜錢各三十萬牛肉二百斤粳米二百

斛特進侯十五萬卿十萬校尉五萬尚書丞郎各萬五

萬案何敞傳注引作尚書三萬侍中將大夫各二萬千石六百石各七千侍御史

謁者議郎尚書令各五千郎官蘭臺令史二千案續漢志補注

引三中黃門羽林虎賁士二人共三千以為當祠門戶

直各隨多少受也後漢書何敞傳注續漢志補注案續漢志補注引作名秩

正月旦天子御德陽殿臨軒公卿大夫百官各陪位朝

賀蠻貊胡羌朝貢畢見屬郡計吏皆陞觀宗室諸劉雜

會皆冠兩梁冠單衣既定計吏中庭北向坐大官上食

賜羣臣酒食作九賓撤樂藝文類聚禮部太平御覽時序部

正月朔賀三公案藝文類聚引作大將軍三公朝會下文亦少異奉璧上殿嚮

西北太常贊曰皇帝為三公興三公伏皇帝坐乃前進

璧古語曰御坐則起此之謂也藝文類聚禮部太平御覽時序部



元日朝賀三公拜壁殿上獻壽觴太平御覽  
時序部

正旦飲柏葉酒上壽太平御覽  
覽木部

明帝永平元年光烈陰皇后葬魂車鸞輅青羽蓋駕四

馬旂九旂前有方相鳳皇車大將軍妻參乘太僕御女

騎夾轂宋書禮志通典禮  
案僕字當有妻字

天子法駕所乘曰金根車駕六龍以御天下也有五色

安車有五色立車各一皆駕四馬毛詩說云四者示有

四方之志也是為五時副車藝文類聚舟車部  
太平御覽車部

天子出祭陵常行金根車春二月青龍居在前秋八月

白虎在前太平御覽  
覽車部

大路龍旂畫龍於旂上也隋書禮  
儀志

皇后婕妤乘輦餘皆以茵四人輿以行文選西都賦注  
太平御覽皇親  
部

孝景帝六年令二千石朱兩音千石六百石朱輻輳車

耳反出為藩屏也太平御覽  
覽車部

皇帝起居索室清宮而後行史記孝文本紀索隱  
北堂書鈔帝王部

天子車駕次第謂之鹵簿有大駕法駕小駕大駕公卿

奉引大將軍參乘太僕御屬車八十一乘備千乘萬騎



案史記梁孝王世家索侍御史在左駕馬詢問不法者

隱引下有而二字史記孝文本紀索隱梁孝王世家索隱後漢書皇

后紀注班固傳注唐六典十七文選東京賦注

祭南郊乘大駕奉引如故其餘羣司百官大出祭北郊

乘大駕奉引如故其餘十歲五帝雞翅埽前後諸軍悉

行者也北堂書鈔儀飾部大駕鹵簿五營校尉在前案西京賦注引漢有五營名曰填衛文選藉田

賦注乘輿大駕則御鳳皇車以金根為副續漢志補注案引作漢官鹵簿

漢乘輿大駕儀公卿奉引太僕尉大將軍驂乘屬車八

十一乘備千乘萬騎法駕儀公卿不在鹵簿中河南尹

執金吾洛陽令案史記孝文本紀索隱引作京兆尹長

漢志奉車都尉案都尉當作郎侍中參乘屬車三案續漢志三作

誤十六乘史記孝文本紀索隱留侯世家甘泉鹵簿有道車五乘游車九乘在輿前太平御覽車部

前驅有雲案當有罕字皮軒鑾旗車後漢書楊秉傳注

清道以旄頭為前驅後漢書儒林傳序注

舊選羽林郎旄頭被髮案太平御覽引作放髮為前驅今但用營

士後漢書光武紀注太平御覽儀式部



豹尾過後執金吾罷屯解圍天子鹵簿中後屬車施豹

尾于道路豹尾之內為省中水經注

騎執菰初學記

樂部

太常駕四馬主簿前車八乘有鈴下侍閣辟車騎吏五

百等員唐六典十四案以下三條唐六典引俱作鹵簿篇又後漢書周紆傳注引鈴下侍閣辟車此

皆以名自定者也

衛尉駕四馬主簿前車八乘有鈴下侍閣辟車騎吏等

員唐六典十六

鴻臚駕四馬主簿唐六典十八

班劔者以虎皮飾之文選王憲文集序注案儉薨

志佩刀虎黃黃室虎文其將白虎

衣裳公侯華蟲卿大夫藻火太平御覽職官部案與

周冕與古冕畧等周加垂旒天子前後垂真白珠各十

二太平御覽

冕廣七寸長八寸左氏正義桓公

天子冠通天諸侯王冠遠遊三公諸侯冠進賢三梁卿

大夫尚書二千石博士冠兩梁二千石以下至小吏冠



一梁案志引作平帝元始五年令公卿列侯冠三梁二千石兩梁千石以下一梁三禮圖引亦作千石此作二千天子公卿特進諸侯祀天地明堂皆冠平冕天

子十二旒三公九卿案三禮圖引作九旒諸侯七旒其纓各如其

綬色元衣纁裳後漢書明帝紀注張宗傳注隋書禮儀志聶崇義三禮圖

幘者古之卑賤執事不冠者之所服也後漢書光武紀注初學記服食

部藝文類聚服飾部孝武時天子以下未有幘元帝額上有壯髮不欲使人

見乃使進幘羣寮隨焉太平御覽皇王部

幘本無巾如今半幘而已王莽無髮因為施巾故里語

曰王莽頭禿施幘屋太平御覽皇王部

孔子稱封太山禪梁父可得而數七十有二傳曰封者

以金泥銀繩印之以璽璽施也信也古者尊卑共之月

令曰固封璽春秋傳襄公在楚季武子從公治問璽書

追而與之是也秦漢以來尊者以為名乃使避太平御覽儀式部

子嬰上始皇璽因服御之代代傳受號曰漢傳國璽史記

高祖本紀索隱天子有傳國璽文曰受命于天既壽且康不以封也北堂



書鈔儀飾部太平御覽儀式部

璽皆白玉螭虎紐文曰皇帝行璽皇帝之璽皇帝信璽

天子行璽天子之璽天子信璽凡六璽皇帝行璽凡封

絕案句之璽賜王侯書絕案句信璽發兵絕案句徵大臣天子

行璽絕案句策拜外國及案當有事天地鬼神璽案璽上

皆見漢舊儀皆以武都紫泥封青囊白素裏兩端無縫尺一

板案後漢書李雲傳注尺一中約署皇帝帶綬黃地六

采不佩璽璽以金銀滕組侍中組負以從秦以前民皆

佩綬金玉銀銅犀象為方寸璽各從所好奉璽書使者

乘馳傳其驛騎也三騎行晝夜千里為程通典禮案此段亦見漢

儀

金銅符五竹使符十九文選册魏九錫文注

銅虎符發兵長六寸竹使符出入徵發史記孝文本紀索隱

印者因也所以虎紐案北堂書鈔引作虎劍太平御覽引作虎細皆字之譌陽類

虎獸之長取其威猛以執伏案北堂書鈔引作繫服羣下也龜者

陰物抱甲負文隨時蟄藏以示臣道功成而退也北堂書鈔

儀飾部太平御覽儀式部

尚書僕射銅印青綬續漢志補注通典禮



孝武皇帝元狩四年案初學記引作二年又上有卿秩中二千石六字令通官

印方寸大小官印五分王公侯金二千石銀千石以下

銅印初學記職官部太平御覽儀式部案初學記引無末句銀下有印龜紐三字

千石至三百石銅印北堂書鈔儀飾部

六百石銅章墨綬後漢書蔡邕傳注

綬者有所承受也所以別尊卑彰有德也北堂書鈔儀式部初學記

器物部案此下綬諸條與續漢志輿服皆不合亦見丁孚漢儀

綬者有所承受也長一丈二尺法十二月闊三丈案廣韻四

十四有注引法天地人舊用赤葦示不忘古也秦漢易

之以絲今綬如此北堂書鈔儀飾部

乘輿綬黃地案初學記引下有骨字白羽青絳綠五采四百首長

二丈三尺北堂書鈔儀飾部初學記器部

諸王綬六采絳地案初學記引下有骨字白羽案北堂書鈔引青作黃地黃羽誤

黃綠案綠上當有去字赤圭二百六十首長二丈一尺侯綬絳

地纁紺百二十首長二丈案二當一作一八尺北堂書鈔儀飾部初學記器部

公侯將軍三采案三當作二下當有紫白純三字見通典禮紫圭長有一丈

七尺百八十首公主同封君北堂書鈔儀飾部案初學記器部引丞相御史



大夫甸  
奴亦同

九卿中二千石青綬三采青白紅純青圭一丈七尺一

百廿首 北堂書鈔  
儀式部

二千石綬羽青地桃花縹三采百二十首長丈七尺黃

綬黃絲一采八十首長丈七尺民織綬皆如式不如式

沒入官也 北堂書鈔儀飾部  
初學記器物部

墨綬白 案白字  
當衍 羽青地絳二采長丈七尺 初學記  
器物部

四百石丞尉皆黃綬大冠 北堂書鈔  
設官部

凡先合單紡爲一絲四絲爲一扶五扶爲一首五首成

文文采純爲圭首多者精小者麤皆廣尺六寸 北堂書  
鈔儀飾部

蕭何爲相國佩綠綬公侯紫卿二千石青令長千石黑

隋書禮  
儀志

高祖在沛隱芒碭山每遊上輒不欲令呂后知常在深

僻處后亦常知其處高祖問曰何以知之后曰君所居

處上有紫氣 太平御  
覽天部

孝靈熹平年八月辛未白氣如匹練衝北斗第四星爲

大獸狀明年揚州刺史臧旻攻盜賊斬首數千級 太平  
御覽



部天

永和中戶至千七十八萬口五千三百八十六萬九千

五百八十八續漢志補注

景帝以來於國學內立道館以教學徒不許人間別立

館舍廣弘明集十四

高祖既登帝●鯛陽固始細陽歲遣雞鳴歌士常謳于

闕下藝文類聚居處部

王莽篡位以劉字金刀案字下當有有字罷五銖更作小錢文

曰貨泉其文反白水真人此則世祖中興之瑞也太平御覽

資產部

不制之臣相與比周宮鄰金虎案東京賦注引比周宮下有比周者三字

鄰金虎者言小人在位比周相進與君為鄰堅若金讒

言之人惡如虎文選東京賦注王元長詩序注

帝室猶古言王室文選魏都賦注西征賦注

凡章表皆啟封其言密事得卓襄後漢書蔡邕傳注公孫瓚傳注

里語云任智不正車生咀太平御覽人事部

肅宗賜諸尚書劔陳寵濟南椎成漢官儀椎成作鍛成

後漢書韓稜傳注



應劭字仲遠漢官儀作仲瑗

後漢書應劭傳注

*(Faint, mostly illegible text within a rectangular border)*

華陽劉澤溥覆校



